

爱人感情深诗句祝愿

1.
绿杨芳草长亭路，年少抛人容易去。楼头残梦五更钟，花底离愁三月雨。
无情不似多情苦，一寸还成千万缕。天涯地角有穷时，只有相思无尽处。
——晏殊《玉楼春》

2.
薄雾浓云愁永昼，瑞脑消金兽。佳节又重阳，玉枕纱厨，半夜凉初透。
东篱把酒黄昏后，有暗香盈袖。莫道不销魂，帘卷西风，人比黄花瘦。
——李清照《醉花阴》

3.
问世间，情为何物，直教生死相许？天南地北双飞客，老翅几回寒暑。
欢乐趣，离别苦，就中更有痴儿女。君应有语：渺万里层云，千山暮雪，
只影向谁去？横汾路，寂寞当年箫鼓，荒烟依旧平楚。招魂楚些何嗟
及，山鬼暗啼风雨。天也妒，未信与，莺儿燕子俱黄土。千秋万古，为
留待骚人，狂歌痛饮，来访雁丘处。——元好问《雁丘词》

4.
数声鶗鴂，又报芳菲歇。惜春更把残红折。雨轻风色暴，梅子青时节。
永丰柳，无人尽日飞花雪。莫把幺弦拨，怨极弦能说。天不老，情难绝。
心似双丝网，中有千千结。夜过也，东窗未白孤灯灭。——张先《千秋岁》

5.
青青河畔草，绵绵思远道。远道不可思，夙昔梦见之。梦见在我傍，忽
觉在他乡。他乡各异县，展转不相见。枯桑知天风，海水知天寒。入门
各自媚，谁肯相为言？客从远方来，遗我双鲤鱼。呼儿烹鲤鱼，中有尺
素书。长跪读素书，书中竟何如？上言加餐食，下言长相忆。——《饮

马长城窟行》

6.
寒蝉凄切，对长亭晚，骤雨初歇。都门帐饮无绪，留恋处，兰舟摧发。执手相看泪眼，竟无语凝噎。念去去千里烟波，暮霭沈沈楚天阔。多情自古伤离别，更那堪冷落清秋节。今宵酒醒何处，杨柳岸、晚风残月。此去经年，应是良辰好景虚设。便纵有千种风情，更与何人说。——柳永《雨霖铃》

7.
黄葛生洛溪，黄花自绵幂。青烟万条长，缭绕几百尺。闺人费素手，采缉作絺绤。缝为绝国衣，远寄日南客。苍梧大火落，暑服莫轻掷。此物虽过时，是妾手中迹。——李白《黄葛篇》

8.
花红易衰似郎意，水流无限似侬愁。——刘禹锡《竹枝词·山桃红花满上头》

9.
相思只在：丁香枝上，豆蔻梢头。——王雱《眼儿媚·杨柳丝丝弄轻柔》

10.
风光肃入户，月华为谁来？结眉向蛛网，沥思视青苔。——江淹《悼室人》

11.
皑如山上雪，皎若云间月。闻君有两意，故来相决绝。今日斗酒会，明旦沟水头。躑躅御沟上，沟水东西流。凄凄复凄凄，嫁娶不须啼。愿得一心人，白头不相离。竹竿何袅袅，鱼尾何簌簌。男儿重意气，何用钱刀为。——《乐府·相和歌辞·白头吟》

12.
北方有佳人，绝世而独立。一顾倾人城，再顾倾人国。宁不知倾城与倾

国？佳人难再得！——李延年《北方有佳人》

13.

天街曾醉美人畔，凉枝移插乌巾。——吴文英《夜飞鹊·蔡司户席上南花》

14.

雪照山城玉指寒，一声羌管怨楼间。江南几度梅花发，人在天涯鬓已斑。星点点，月团团。倒流河汉入杯盘。翰林风月三千首，寄与吴姬忍泪看。——刘著《鹧鸪天·雪照山城玉指寒》

15.

我住长江头，君住长江尾。日日思君不见君，共饮长江水。此水几时休，此恨何时已。只愿君心似我心，定不负相思意。——李之仪《卜算子·我住长江头》

16.

无情不似多情苦，一寸还成千万缕。天涯地角有时穷，只有相思无尽处。——晏殊《玉楼春》

17.

风一更，雪一更，聒碎乡心梦不成。——纳兰性德《长相思·山一程》

18.

离愁正引千丝乱，更东陌、飞絮濛濛。——张先《一丛花令·伤高怀远几时穷》

19.

昨夜海棠初着雨，数朵轻盈娇欲语。佳人晓起出闺房，将来对镜比红妆。问郎花好侬颜好？郎道不如花窈窕。佳人见语发娇嗔，不信死花胜活人！将花揉碎掷郎前，请郎今夜伴花眠。——唐寅《题拈花微笑图》

20.

平生不会相思，才会相思，便害相思。身似浮云，心如飞絮，气若游丝

。空一缕余香在此，盼千金游子何之。证候来时，正是何时？灯半昏时，月半明时。——徐再思《折桂令·春情》

21.

我断不思量，你莫思量我。将你从前与我心，付与他人可。——谢希梦《卜算子》

22.

伤心阔别三千里，屈指思量四五年。——韩偓《寒食日重游李氏园亭有怀》

23.

昨夜星辰昨夜风，画楼西畔桂堂东。身无彩凤双飞翼，心有灵犀一点通。隔座送钩春酒暖，分曹射覆蜡灯红。嗟余听鼓应官去，走马兰台类转蓬。——李商隐《无题》

24.

明月照高楼，流光正徘徊。上有愁思妇，悲叹有余哀。借问叹者谁？言是宕子妻。君行逾十年，孤妾常独栖。君若清路尘，妾若浊水泥。浮沉各异势，会合何时谐？愿为西南风，长逝入君怀。君怀良不开，贱妾当何依？——《乐府·七哀诗》

25.

萧索清秋珠泪坠，枕簟微凉，展转浑无寐。残酒欲醒中夜起，月明如练天如水。阶下寒声啼络纬，庭树金风，悄悄重门闭。可惜旧欢携手地，思量一夕成憔悴。——冯延巳《鹊踏枝·萧索清秋珠泪坠》

26.

努力爱春华，莫忘欢乐时。生当复来归，死当长相思。——苏武《留别妻》

27.

茅檐低小，溪上青青草。醉里吴音相媚好，白发谁家翁媪？——辛弃疾《清平乐村居》

28.

风波不信菱枝弱，月露谁教桂叶香。——李商隐《无题·重帏深下莫愁堂》

29.

日落寒山剪剪风，一行雁字各西东。虽然颜面睽千里，料得相思两地同。——赵善傅《秋夜有怀孟兄》

30.

双燕复双燕，双飞令人羨。玉楼珠阁不独栖，金窗绣户长相见。柏梁失火去，因入吴王宫。吴宫又焚荡，雏尽巢亦空。憔悴一身在，孀雌忆故雄。双飞难再得，伤我寸心中。——李白《双燕离》

31.

从别后，忆相逢，几回魂梦与君同。今宵剩把银釭照，犹恐相逢是梦中。——晏几道《鹧鸪天》

32.

郎骑竹马来，绕床弄青梅。同居长干里，两小无嫌猜，——李白《长干行》

33.

有美一人，清扬婉兮。邂逅相遇，适我愿兮。——《诗经·国风·野有蔓草》

34.

林花谢了春红，太匆匆，无奈朝来寒雨晚来风。胭脂泪，相留醉，几时重？自是人生长恨水长东。——李煜《乌夜啼》

35.

连理枝头花正开，妒花风雨便相催。愿教青帝常为主，莫遣纷纷点翠苔。——朱淑真《落花》

36.

相思意已深，白纸书难足。字字苦参商，故要檀郎读。分明记得约当归，远至樱桃熟。何事菊花时，犹未回乡曲。——陈亚《生查子·药名闺情》

37.

一日大热，蜀主与花蕊夫人夜起避暑摩诃池上，作一词。——苏轼《洞仙歌·冰肌玉骨》

38.

宫腰袅袅翠鬟松，夜堂深处逢。无端银烛殒秋风，灵犀得暗通。身有恨，恨无穷，星河沈晓空。陇头流水各西东，佳期如梦中。——秦观《阮郎归·宫腰袅袅翠鬟松》

39.

雁书不到，蝶梦无凭，漫倚高楼。——晏几道《诉衷情·凭觞静忆去年秋》

40.

土花曾染湘娥黛，铅泪难消。——纳兰性德《采桑子·土花曾染湘娥黛》

本文链接：<https://duanjuziku.com/duanjuzi/5pfh26w4pg.html>